

將仕郎江州助教義門陳旭表

進呈家譜表

特授將仕郎守江州助教臣陳旭爲欽奉照諭天禧五年十二月十五日奉頒照諭勅臣備述祖先本原纂成家譜以進欽遵纂述謹具表呈伏以道隆虞帝孝順類錫於臣民運際中天文明光昭乎譜牒龍翰煥九重春色姦斯緝羣處恩膏喜溢宗祊慶流祚允臣陳旭誠惶誠悚稽首頓首上言竊惟臣家自軒轅

錫氏得姓十有四家暨唐室升庸居攝二十八載大孝開千百
年之祀一中闡十六字之傳三代分封不遺有媯之後元姬作
配下降陶正之官念得國於陳州應昌期之世運遂使青齊世
胄長懸鐘磬之遺音豈期卜宅惟王早識箕裘之神器迨至播
遷止徙合長城而閩蜀碁布星羅若夫會聚淵源自潁川而江
州蜂屯蟻聚願茲延世之蕃衍皆賴洪造以滋培伏遇

皇帝陛下出震等於重華鳴謙同於復旦崇褒示貶史冊無訛
收族敬宗淵源獨遠

天書屢降疊徵大室之祥

玉牒新頒何止堯門之瑞若夫孝治紹虞廷之心學憲章大伊
濯之風徽久矣作訓生明貽風苗裔矣一日二日研覽萬幾允
武允文包羅百氏顧謂臣居同十數世保無親疎近遠之嫌家
聚千餘人恐有氣質剛柔之異况支庶旣聯合族世系必有流
傳仰厪

聖聰俯採輿賤臣恭承下問悚慄躬趨敢不裒括家乘用以對
揚王休也特以心殷捧日難追曲逆之蹤志切灰符莫效干城
之寄孰意

天顏有喜俯採同姓之書忽瞻

宸翰遙臨仰叨良家之譽方啣龍德於無地欣逢鳳藻之自天
伏願晶懸天鏡位極人倫止孝止慈一敬已偕於法世則世道
四方不忒其儀世世相依則桐圭柏祀永被日月之光生生不
已則堯柳舜梧皆在栽培之下臣無任瞻天仰聖激切屏營之
至謹奉表進以聞

乾興元年十月

日呈十一月十五日奉

旨譜留其家法二篇發史館繕賜諸王使知孝義之風欽此